

10  
ALEXANDRI BERNHARD KÖLPIN

M. D.

SCHEDIASMA ANATOMICVM

DE

STRUCTURA  
MAMMARVM

SEXVS SEQVIORIS

INPERRIMIS OBSERVATIONIBVS ET  
EXPERIMENTIS SUPERSTRUCTA.



---

RECVSVM ET AVCTVM.

---

ADIECTAE SVNT TABVLAE AERI INCISAE.

---

BEROLINI

APVD G. A. LANGE 1765.

A 3.15







DISSERTATIO INAUGURALIS ANATOMICA

DE

STRUCTURA MAMMARUM SEXUS SEQUIORIS,  
NUPERRIMIS OBSERVATIONIBUS ET EXPERI-  
MENTIS SUPERSTRUCTA.

---

PRAEFATIO.

**A** remotissimis iam iam temporibus mammae mulie-  
bres obiectum fuerunt amoris et voluptatum,  
pauci vero illas tanquam necessarium vitae admi-  
niculum, quo infantum imbecilli aetati succurritur, ha-  
buerunt. Stridens Ovidii canna, dum papillarum de-  
cantat formam, pluribus forsan magis arrideret, quam  
praesens haec casta mammillae fabricae anatomica et phy-  
siologica consideratio. Idem fatum eosdemque gradus  
habuerunt mammae ac omnes fere reliquae corporis hu-  
mani partes. Vetustissimi scilicet Anatomici obscuram,  
his succedentes clariorem, nostri tandem seculi perfectis-  
simam habere videntur de structura mammae cognitio-  
nem. Postquam enim tot praestantissimi in arte magistri  
tantique viri mammas descripserunt, ex quibus MORGAG-





GNIUM (a), HALLERUM (b), BOEHMERUM (c), GUNZIUM (d) nominasse sufficiat, superuacaneum fere videtur, vltiorem, in disquirenda structura mammae, impendere operam.

Diu iam animo voluebam, quodnam pro gradu Doctoris eligerem thema, vsque tandem praeterita hyeme mihi, adhuc Berolini degenti auctor atque suasor erat Celeberrimus IOANNES THEOPHILUS WALTER Med. Doctor, Professor & Professor Anatomiae secundarius Collegii Medico-Chirurgici quod Berolini floret, vt de Mamma scriberem, vtque magis ad scribendum excitaret, ex thesauro suo anatomico, diversimode a se praeparatas mihi obtulit mammas. Talem itaque exoptatam occasionem, quam beneuolentia optimi Viri, quem Praeceptorem Fautorem atque Amicum colo, mihi praebebat, eo lubentius arripiendam iudicaui, quo certior sum, tubulos lactiferos et praesertim vasa lymphatica mammae nondum satis accurate delineatos nec depictos existere, neque minus nervos mammarum vix pro dignitate apud Auctores descriptos inueniri. Sicque Beneuole Lector ea tecum communico quae ex observationibus praestantissimi Praeceptoris didici. Quae in talem redigere ordinem pro viribus annitar, vt quasi conspectu generali, omnia quae ad anatomicam Mammae considerationem pertinent, in Dissertatione mea praesenti perlustrari queant. Gryphiswaldiae d. XXIV. April. MDCCLXIV.

§. I.

(a) Aduers. Anatom. I. IV. V.

(b) Comment. ad Praelect. Boerhaavianas Tom. V. Part. II. ad §. 687. seqq.

(c) Epist. de ductibus mammarum lactiferis experimento nouo confirmatis; volumini V. Dissertt. Anat. Select. Hallerianarum inserta.

(d) Dissert. de Mammarum Fabrica et Lactis secretionem Praef. J. F. CRELLIO Lipsi. 1734.



## §. I.

*Mammæ in universum.*

In anteriori, media eademque elatiori parte thoracis, proxime supra pectoralem maiorem musculum conspiciuntur in sexu amabiliore a tempore pubertatis vsque ad senectutem duo hæmisphaeria, subduriuscula tactu et aliquomodo mobilia, in quouis latere vnum (a). Summa peripheria superius a margine inferiori costæ veræ secundæ extensa, vsque ad costam circiter quintam; lateralis internus ambitus terminatur ad marginem corporis sterni lateralem; exteriores limites versus exteriora latera thoracis finiuntur. Hæc duo corpora vocantur *Mammæ* (b).

## §. 2.

*Mammillæ. Situs mammarum.*

Mammas in §. antecedente sexui adscribimus sequiori non eo in sensu ac si potior sexus iis careret (c). Adiunt omnino, in infante (d) vtriusque sexus æquales, in adultiori vero virilis sexus numero quidem pares, at mole minores. Quare etiam a nonnullis in viris vocantur *Mammillæ* (e), parvæ quasi mammæ. Feminarum mammæ a CREATORE SUMMO in partem superiorem et anteriorem, tanquam in perfectiorem et pulcriorem corporis humani sunt collocatae (f).

A 3

Sym-

(a) Commemorat BORELLUS (Obs. Cent. I. Obs. 69.) sese mulierem tribus mammis instructam vidisse; et BLASIUS (in Comment. ad Vesling. c. IX. p. 133.) idem observavit in muliere quæ sinistro lateri duas, dextro unicam affixam habuit.

(b) Denominationis rationem explicant CRELLIUS et GUNZIUS Diff. cit. §. II.

(c) GUNZIUS l. c. §. XV. Ex huius Ill. Auctoris sententia eundem mammæ viris præstant usum ac glandulæ axillares, inguinales aliaque: lymphæ, scilicet, reuehendæ inseruiunt.

(d) GUNZIUS l. c. §. XVI. reputat, mirandum non esse omnes glandulas liquore repletas turgere, cum in foetu omnes superflui humoris excretiones non succedant. Vnde hoc phaenomenon succulentis tantum proprium esse statuit, in cæteris vero prorsus deficere.

(e) WARTHON Adenograph. c. 36.

(f) Mammarum Situs erectæ corporis staturæ brachiorumque situi accommodandus fuit, ut infans brachio gestandus commode vberibus admoueri possit, venustas pro secundaria et accidentali ratione habenda erit. GUNZ. l. c. p. 7.



Symmetria vero et necessitas exigebant in sexu sequiori in quouis loco pectoris vnam mammam (g), duplici ex capite, vel interdum, quod saepius accidit, gemelli duas requirunt mammas, vel status morbosus intercedit, sicque vna tantum integra manente, iusto fungi valet munere sana.

### §. 3.

#### *Structura mammae in vniuersum.*

Mammae structura est simplicissima. Ad compositionem fabricae eius merito referimus integumenta, arterias, venas, nervos et vasa lymphatica. Ex his omnibus fere simul sumtis constituitur corpus glandulosum, quod equidem, vti infra videbimus, ex multis componitur glandulis, quae vero inextricabili vinculo celluloso nectuntur.

### §. 4.

#### *Superficies mammae.*

Quaeuis mamma tanquam corpus haemisphaericum duas habet superficies, vnam anteriorem, in cuius centro conspicitur papilla, areola circumscripta; alteram posteriorem, magis planam & si placet aliquatenus excavatam, pectorali musculo maiori, mediante cellulosa textura, incumbentem.

### §. 5.

#### *Anterior in pubertate crescit.*

Circa annum decimum quartum aetatis puellarum plerarumque, mammae superficies anterior ad iustam conuexitatem et magnitudinem ad.

(g) Quod *numerus* attinet, puellarum venustas alterius defectu vel etiam excessu non leue vitium contractura fuisset, nec minus cauit communis parens, ne vna mamma morbo correpta ex alterius defectu misere pereat infans, qui etiam facile *prauam* corporis *dispositionem*, flexilibus tunc omnibus ossibus, nancisceretur, si vnicae mammae adinouendus *in eodem semper latere* gestari deberet, vt *oculorum* inde metuendum *vitium* taceam; Vti ergo paucos foetus parientibus binas tantummodo, sic multiparis multiplicem mammam largitus est, vt eo commodius singuli lac haurire possint foetus.

GUNZ. l. c. p. 7.



adcrefcit (h); In viris e contrario vel nunquam vel rariffimo exemplo (i).

§. 6.

*Cutis externum mammae velamentum.*

Cutis externa thoracis cum continua succumbente adipe, quae tanquam puluinar cuti fubftrata cernitur, exterius mammae fuperficiem anteriorem inueftit, et pro primo mammae *velamento* habetur, quae tandem formiat areolam et papillam.

§. 7.

*Areola.*

*Areola* feu Area mammae eft ille cîrculus, in media parte anterioris fuperficieî, qui in aetate iuniori fubrufefcens exiftit, increfcente vero aetate et corporis robore ex flauo-brunno colore pictus cernitur. Haec areola eft nil aliud nifi continuata cutis, quae rete quodam fubcutaneo venofo mirabili modo pingitur et aliquomodo extenuatur; vnde  
etiam

(h) Cauſſas incrementi huius in *plethora* quaerendas eſſe deprehendimus, quae humores, *maiori copia* atque vi, in *molliores partes* redundant, vaſorum diametros augent, et corpus ex iis conſtatum, antea denſum, compactum, minus euolutum, fic mire laxum amplum atque tumidum faciunt. Quae vero mutationes, vtrique ſexui communes, cur in *ſequiori* peculiareſ effectus producant, exinde patet, quod *perſpiratio inſenſibilis*, ob *vires imbecilles*, quae a molliori textura, minori ſanguinis velocitate languidoque pulſa dependent, *vitamque ſedentariam*, in foemellis *minor* eſt, vnde humores retenti coaceruatique facilius pariunt *plethoram*, quae in duas potiffimum partes, vteri nimirum vaginam atque mammas vim exercet: quarum illa ob laxam et mollem vaſculoſam texturam, plus ſanguinis recipit, ſtatique temporibus vaſis dilatatis excernit: hae pariter propter fibrarum vaſa fulcietium laxitatem, vaſorumque intra cellulofum contextum et mollem pinguedinem *in loco ab omni compreſſione libero* ſitum, humorum cordisque impetui minus reſiſtunt facileque ab illis in molem maiorem expanduntur.  
GUNZ. l. c. p. 31. 32.

(i) Non defunt tamen exempla, quae docent viros etiam aliquando magnis mammis fuiſſe inſtructos, imo, mediantibus iisdem, infantes lactaſſe. Quae exempla collecta videas in Diſſert. Celeb. ANDR. WESTPHAL: *de Matre infantem ſuum non lactante huic et ſibi ipſi noxas inſignes inferente* p. 45.





etiam mihi, in tenera aetate et delicatulis puellis, roseus color oriri videtur. Si vero haec cutis adultioribus et robustioribus feminis condensatur et quasi ex rugis constipatur et corrugatur, subfuscus inde nascitur color (k). Id quod, simili exemplo, accidit in Raphe seu futura scroti.

### §. 8.

#### *Eius glandulae sebaceae.*

In hac sparguntur *glandulae simplices arenosae*, patulis ostiis hiantes, quae fundunt sebum istud tenax et oleosum quod, in diuturna eademque fortiore suctione infantum papillam imo adiacentem areolam irritante, dolores inde ortos lenire vel penitus auferre valet. Secundum genus glandularum sunt *cryptae* seu potius ductuli in eadem areola satis profunde migrantes, quos Illustris MORGAGNIUS pro ostiolis habuit, imo aeri incidendos curavit (l), qui ad sententiam Venerabilis senis lac verum exstillare ac emittere creduntur (m). Repetitae vero observationes docuerunt, hos ductulos eiusdem indolis et naturae liquidum sebaceum, ac ea tubercula glandulosa arenae speciem referentia, excernere (n).

### §. 9.

(k) Si *areola* papillam ambiens in utraque mamma grate *rubella* fuerit visa, virginitatis signum habetur, si autem subfusci coloris, criterium deflorationis putatur. GELLER Dilucid. de signis virginit. ex *Musitano* p. 46.

(l) Aduersar. Anat. IV. Fig. III. cc. II.

(m) Id quod vel ex statu praeternaturali vel ex praecoci observatione factum esse videtur, dum tubulos lactis superficialios una tetigerit ac dissecuerit.

(n) Illae (scil. cryptae) vix nisi in lactantibus conspicuae mox sub cute, ubi glanduloso corpori adhaeret, incerto numero, eleuantur, neque tamen ad magnitudinem in MORGAGNII icone designatam accedunt, quod si vero comprimantur, orificio in medio hiante eructant liquorem variae indolis, nunc *serosum* magis, nunc *spissiore* sebaceum, nunc et *lacteum*; ex quo sane innotescit, eadem tubercula non *partem perpetuo et necessario praesentem*, sed casu potius ab humore lacteo vel lymphatico, in suis *vasis haerente eademque dilatante*, efformatam constituere, quae forte vasa in statu suo magis naturali liquore lymphatico plus minus pingui areolam inungendo lubricam reddiderunt. GUNZ. l. c. p. 19.



## §. 9.

*Papilla.*

In centro illius circuli subfufci feu areolae *Papilla* confpectui fe offert, quae fubftantia fua cauernofa inclaruit, quaeque in libidine erigi et non mediocrem fenfibilitatis gradum praebere creditur. Eft vero *Papillae* ftructura fimplicior quam creditum eft. Ad quam itaque melius perfpiciendam eam primo extus confiderabo, deinde a parte interiore.

## §. 10.

*Extus confiderata.*

*Papilla* merito diuiditur in bafin et apicem. Bafis eft ea pars inferior et pofterior, qua areola circumfcribitur, Apex vero vbi oftiola patula ductuum lactiferorum inueniuntur, quaeque verfus fuperiora et anteriora vergit. Cutis, quae totam mammae fuperficiem globofam obducit et ad areolam continuat, nunc ex planiori fuperficie areolae magis magisque in cylindraceum hoc corpus feu papillam contrahitur, inuoluitur, mutatur; hinc cutis antea explanata in plicas constringitur et quali condensatur. Hoc modo autem condensata, ac rugofa cutis et colorem mutat, et etiam perfcrutantes feduxit fubftantiam ftatuere cauernofam, fungofam, fpongiofam. Corrugata haec cutis continet quoque paruulas glandulas febaceas, eodem munere fungentes ac illae febaceae mucosae glandulae fimplices areolae. En itaque fimplicem papillae texturam! Eft condensata et plicata cutis externa. NUCKII feries fibrarum maiorum et minorum (o), KEILII fibrae retis inftar difpofitae (p) funt mera figmenta. Immortalis memoriae WINSLOWIUS fibras pofuit ligamentofas (q) cumque hoc viro alias partium humani corporis fideliffimo et fagaci fcritatore omnes fere in errorem inducti funt, non excepto MORGAGNIO. Illuftris HALLERUS ingenue fatetur (r) fe nondum vidiffe NUCKII, KEILII nec WINSLOWII fibras, interim haefitantem relinquit lectorem.

## §. 11.

(o) Adenograph. curiof. Cap. III. p. 25. Fig. VI. VII. VIII.

(p) Comp. p. 116.

(q) Expofit. Anatom. Traité de la Poitrine. nr. 18.

(r) l. c. p. 426.



## §. II.

*I n t u s.*

Apicem fusius et commodiori loco explicaturus ero, quando infra de ductibus lac efferentibus sermo instituetur. Interna pars, seu, si ita me exprimere liceat, paries interna papillae multa tenaci interim tamen satis molli cellulosa tela obducitur, quae tubulos lacteos revincit, quorum numerus uti infra patebit quindenarius erit, constanti naturae lege. Papilla ergo intus nudis siue etiam armatis oculis considerata nihil unquam, praeter dictam cellulosam, ostendit, quod vel tantum speciem cavernosae vel ligamentosae naturae referret. Migrant ad papillam arteriae satis conspicuae numerosae, a ramis arteriae mammariae internae et a furculis mammariarum externarum, venientes. Pari ratione venae et nervi ad papillam abeunt, numero et mole grandes.

## §. 12.

*Non erigitur.*

Ex haecenus adlatis sponte fluit, propositionem ab omnibus Physiologis et Anatomicis assertam, de *erectione papillae* in libidine vel ex quacunque irritatione, nullius esse ponderis. Haec enim axiomatis fere auctoritatem nata propositio a contrario et grauiori destruitur axioma: Cessante, scilicet, causa, cessat effectus. Nam, omnis partis cuiuscunque corporis humani erectio absque musculo tantum fit in corpore quodam cavernoso, uti id accidit in corporibus cavernosis penis ac vrethrae virilis, et clitoridis sexus sequioris. Si itaque talis mechanismus et constructio in papilla mammarum non adest, nulla quoque erit in libidine erectio papillae (s). Hoc interim negandum  
neuti-

- (s) In *erectione* corporis cavernosi necesse adsint *vires comprimentes venas*, ne sanguis per arterias aduectus, regurgitet; quod officium, in corporibus cavernosis penis vrethrae et clitoridis praestant muscoli. Hi vero a mamma absunt. In mamma denique causa deficit, cur corpora cavernosa adessent, perque ea papilla erigeretur. In pene necessario exigitur corpus cavernosum, ut vrethra sit *firma rectaque*, et semen cum aliquo robore in *distantem uterum eiici* possit. Hoc vero in mamma superfluum. Statim enim ac lac in cavitatem oris infantis peruenerit, adsunt vires deglutitioni inserui-  
entes, quae ulterius propellunt.



neutiquam erit summam conciliari voluptatem, si puellularum papilla totaque mamma, ab obiecto quodam amabiliore, leni grataque manu, contrectetur, ut etiam talis grata perceptio euenit ex osculo formosis labiis inpresso. Vtrumque vero non est nisi mechanicus effectus, seu mera nervosi systematis irritatio.

§. 13.

*Adeps Mammae.*

Secundum mammarum inuolucrum est stratum adiposum cuti exteriori substratum et ipsis glandulis mammarum incumbens. Illustres Viri MORGAGNIUS et HALLERUS diserte et pro dignitate hoc inuolucrum descripserunt. Continetur mamma inter duo pinguedinis strata. Stratum vero seu pinguedo illa, quae immediate sub cute est et anteriorem superficiem conuexam reddit, maioris est momenti (t). Continet ubique mammam, in glebas colligitur moleculasque, obteggit ductus lac vehentes, in interstitia glandularum se insinuat, et ab hoc strato glanduloso princeps est mammae moles, et rotunditas dependet ab ea. Hinc in puellulis pubescentibus mammae paullatim fororiantur; in vetulis, consumpta adipe, taedioso spectaculo flaccescunt et sunt pendulae. Utilitatem huius pinguedinis MORGAGNIUS merito extollit (u). „*Equidem plures, inquit, pinguedinis utilitates esse censeo, et ex iis non postremam, ut glandulosa mammarum substantia, quam ex leuissimis interdum ictibus et compressionibus vitiari constat ac indurescere, mollius tutiusque in ea iaceat, atque ubi opus est crescere et lacte distendi facilius queat.*„ Alterum stratum pinguedinis, quod superficiem posteriorem, seu eam faciem, obtegere creditur, qua mamma pectorali incumbit, est tantum cellulosa et pauca adipe impleta. In subiectis obesis utique, ut in vniuersa cellulosa, obseruatur adeps, in aliis vero habitus minus opimi cellulosa haec nequaquam adipe turgidata obseruatur; sed est tela cellulosa satis tenax, mobilis a pectorali maiori, & vasa lymphatica in ea serpunt, vti infra, in descriptione horum vasorum patebit.

B 2

§. 14.

(t) LUDWIG de Humore cutem inungente. Fig. IV. in Tom. VII. Dissert. Anat. HALLER.

(u) Aduersar. Anatom. V. Animaduers. V.





§. 14.

*V a s a.*

In adumbratione mammae ad vasa progredimur, arterias, puta, venasque. Quibus nerui et tandem lymphatica vasa succedent. Struturae autem mammae glandulosae explicatio dissertationi nostrae finem imponet.

§. 15.

*A r t e r i a e.*

In historia arteriarum ad mammam currentium antea monendum, nos Illustrem HALLERUM secutum fuisse, qui summus Vir in Iconibus anatomicis (x) haec vasa arteriosa non tantum fusissime descripsit, verum etiam ad naturam depingi curavit. Nostrium tantum fuit ea quae Illustris Vir prolixius tradidit, in compendium redegisse.

§. 16.

*M a m m a r i a e.*

Sunt arteriae, quae protrahuntur ad mammam praeprimis arteria mammaria interna, et mammariae externae ab axillari arteria natae.

§. 17.

*I n t e r n a.*

*Arteria mammaria interna* ex subclauia arteria oritur e regione thyreoideae inferioris, ubi sursum prôdit thyreoidea inferior, sursum et posterius vertebralis, deorsum et posterius intercostalis superior. Decurrit super terminatum ibi caecumque pleurae saccum deorsum et introrsum. Dat in origine ramos internos siue thoracicos, nempe furculos thymicos, mediastinos. Constans quidem non est ille princeps ramus externus, qui sensim a clauicula extrorsum declinat, secundum pleuram descendens, et ibi anastomoses init cum furculis a thoracica prima venientibus.

§. 18.

(x) Fasc. VI. Tab. I. et Fasc. VIII. Tab. I. it. in Element. Physiolog. T. III. p. 102. 103. Comment. ad Prælect. Boerhaav. T. V. Part. II. p. 76-78.



## §. 18.

*Arteria mammae suprema.*

Dat porro mammaria interna, in costarum interuallo primo, duos ramos communicantes cum furculis thoracicae primae. Inde in hoc interuallo cum ramis mammariae internae emergit, qui in musculum pectoralem maiorem, quem perforant, et illius cutem, migrant et cum ramo thoracico arteriae alaris iungitur reteque facit; neque minus cum ramis arteriarum per interualla secundae et tertiae costae erumpentibus anastomofin habet. Et haec est arteria *suprema* arteriarum *mammae*.

## §. 19.

*Secundi costarum interualli.*

In *secundo interuallo* mammaria interna dat ramum, perficientem annulum superiorem, cum thoracica prima, et alterum ramum qui inferiorem eius interualli absoluit, qui etiam furculos ad ferratum paruum mittit. Ab ista, superficialis ramus perforat pectoralem maiorem atque cutaneus mammam adit mistus cum prioribus.

## §. 20.

*Tertii interualli.*

In *tertio interuallo* similiter mammaria interna duas ad interual- lum arterias mittit, quarum *superior* in ora inferiori costae tertiae cum ramo, misto ex duabus thoracicis, annulum absoluit. *Inferior* supra costam quartam etiam cum ramo vtriusque thoracicae inosculetur, vsque ad tertiam mammaria interna arteria retrorsum it, inde extrorsum decurrit.

## §. 21.

*Quarti.*

In *quarto interuallo* vnus ramus mammariae internae oram inferiorem costae quartae sequitur, donec, prioribus sui similibus maior, inosculetur thoracicae secundae furculis. Externum etiam similem inferiorem eiusdem interualli, super costam quintam euntem, ramum truncus dedit. In hoc interuallo saepe superior phrenica a mammaria oritur.



## §. 22.

*Q u i n t i.*

In *quinto interuallo* Mammaria interna maiorem iam ramum mittit, qui furculos dat triangulari sterni, inosculatur ramo intercostali infra costam quintam, alium porro dat eiusdem interualli grandiolem, cuius varii furculi erumpunt ad superficiem pectoris, musculos intercostales et obliquum descendentes.

## §. 23.

*Reliqui mammariae internae rami.*

Mitto nunc reliquos ramos arteriae mammariae internae per interstitia costalia euntes, tot enim sunt fere rami huius arteriae, quot sunt interualla costarum. Dat enim, vti ex Iconibus ILLUSTRIS HALLERI patet, Pericardio, Thymo, Diaphragmati, musculis abdominalis. Variis et multis locis cum arteria epigastrica coniungitur.

## §. 24.

*Arteriae mammariae externae.*

Sequuntur iam arteriae mammariae externae, optime ab ILLUSTRIS HALLERO descriptae in Iconum Anatomicarum Fasciculo VI. *Arteria subclauia*, inter musculum scalenum anteriorem et medium contineri desinens, emergens nomen mutat; vocatur *axillaris*. Ex hac axillari, praeprimis in sede infrascapularis musculi, exhibitis antea furculis, tam ad musculos quam cutem thoracis, currentibus, vt et edita antea cervicali profunda, *quatuor* educuntur *arteriae thoracicae*. Scilicet 1. Thoracica suprema. 2. Thoracica longa. 3. Thoracica humeraria et 4. Thoracica alaris.

## §. 25.

*Thoracica suprema.*

Thoracica suprema HALLERI est mammaria externa Illustris ALBINI. Oritur super costam secundam et pectoralem minorem, vbi statim furculum dat ad marginem inferiorem costae primae inosculantem



tem sequenti et diuiditur continuo in duos ramos, quorum *unus* ascendit per musculum intercostalem externum, regitur pectorali minore, dat illi furculos et spargit ramulum transuersum per interuallum costae primae et inosculatur ramis mammariae internae. *Alter* ramus dat in dentem supremum ferrati antici, inferitur intercostali maiori ramulo arterioso, et sub costa prima cum mammaria interna anastomosinit, dat porro scaleno anteriori et laterali musculo. Truncus huius thoracicae supremae descendit a secundo interuallo ad quartum vsque, ubi finitur; in his interuallis saepe coniungitur cum arteriis intercostalibus et mammaria interna. Dat mammae et vicinis musculis ramos.

§. 26.

*Thoracica longa.*

Secunda *thoracica* externa *longior* et maior, HEISTERI est mammaria externa. Dat ramos, glandulis superioribus axillaribus, substantiae glandulosae mammae, pergit vsque ad papillam mammarum et ibidem coniungitur cum ramis arteriae mammariae internae, porro dat ferrato antico vsque ad quartam costam, tandemque varie iungitur cum *thoracica* prima. Truncus pergit in ferrato antico maiori et facit annulos in quauis costa, semper dando ramum superiorem et inferiorem, qui sequitur vel superiorem vel inferiorem costarum marginem, et continuo communicat cum intercostalibus et mammaria interna.

§. 27.

*Thoracica humeraria et alaris.*

*Thoracica* arteria *humeraria* et *alaris*, quae nec multos nec conspicuos ramos ad mammae substantiam, sed paucos tantum furculos ad cutem pectoris mittunt, licet varie inosculatae sint cum mammaria interna et maioribus thoracicis, non multum mihi scopo meo inferuire videntur, hinc eas mitto. Hae sunt arteriae verae mammariae externae, per quas lac attrahi feminae sentire valent, vt multi iam dixerunt Physiologi.





## §. 28.

*Venae Mammarum.*

In historia venarum mammae breues erimus. Sunt in suo decursu irregulares et sunt nonnullae quae eundem fere cum arteriis eiusdem nominis tramitem obseruant. Sunt vero venae cuti propinquiores et rete formant cutaneum, ob faciliorem sanguinis regressum. WINSLOWII interim descriptionem (y) in nostra adhibemus Dissertatione, qui omnes facile in describendis venis antecellit. Minime interim negandum est, veteribus iam venas corporis humani bene perspectas fuisse, utpote in quibus perscrutandis maiorem, prae aliis corporis partibus, adhibuerunt diligentiam.

## §. 29.

*M a m m a r i a e.*

Venae *mammariae* sunt duplicis generis ut arteriae. Aliae sunt venae *mammariae* internae, aliae externae.

## §. 30.

*Internae. Earum origo.*

Venae *mammariae internae*, quae sunt quasi trunci thoracici anteriores interni, qui recipiunt sanguinem a parte anteriori eademque interna, sola origine differunt. Oritur vero *mammaria* dextra ex trunco venae cauae, antequam in plures ramos abire cogatur. Sinistra e contrario ortum trahit ex subclauia.

## §. 31.

*D e c u r s u s.*

Vena *mammaria interna* eodem fere modo in suo decursu procedit ac arteria eiusdem nominis. Varias anastomoses habet cum venis intercostalibus et ramis venae *mammariae externae* ex axillari ortis, datisque ramis in mammam et vicinos musculos longo itinere coniungitur cum Vena epigastrica.

## §. 32.

(y) Exposit. anat. Traité des Veines. nr. 118 — 211.



## §. 32.

*E x t e r n a e.*

Venae mammae *externae* proueniunt ab axillari vena, cuius historiam WINSLOWIUS (z) ita tradit: „Vena subclauia variis datis ramis erumpit ex cavitae pectoris, migrat ante scalenum anteriorem, serpit inter primam costam et clauiculam, sicque ad axillas progreditur, ac in hoc itinere mutat vena subclauia nomen et nuncupatur Vena *axillaris*.„ In hoc vero decursu exhibet multos ramos, musculares, venas thoracicas et tandem venam cephalicam.

## §. 33.

*R a m i.*

Rami musculares venae axillaris sunt illi, qui distribuuntur in Trapezium, in leuatorem anguli scapulae, in infraspinatum et infrascapularem et tali ratione oriuntur venae scapulares internae et externae. Tum autem vena axillaris generat venas thoracicas duas, vnā superiorem et alteram inferiorem. Vena thoracica superior vocatur etiam Mammaria externa et hae venae sunt illae quae variis locis mammam adeunt et multiplici modo inosculantur cum ramis venae mammae internae. Vltiores propagines venae axillaris, quibus dat ramos in musculos, in infrascapularem, scilicet, latissimum dorsi, rotundum minorem, infraspinatum, serratum anticum maiorem, pectoralem maiorem & minorem, in glandulas denique axillares hic non tangimus cum stricte ad scopum nostrum non pertineant.

## §. 34.

*Nerui Mammarum.*

Memoratis venis et arteriis mammariis ad descriptionem *Nervorum* Mammae me accingo. Hi nerui ab Auctoribus fere neglecti esse videntur. Singularem vero in iis disquirendis diligentiam praestantissimus praeceptor WALTERUS adhibuit. Liceat ergo eorum decursum et distributionem, vti ex administratione praeceptoris visui se obtulerunt,

C

runt,

runt, paullo fufius enarrare, cum omnino ad plenariam Mammæ hiftoriam perficiendam, pertineant.

§. 35.

*Thoracici anteriores.*

Nerui ad mammam migrantes funt duplicis ordinis, nonnulli abeunt ad cutem mammae tantum, alii vero ad ipfam fubftantiam glandulofam. Sunt vero nerui qui ambulant ad mammam *thoracici* illi feu *pectorales anteriores*, et optime dividi poffunt, in neruos, anteriores internos et anteriores externos, thoracicos. Oriuntur tam interiores quam externi communi origine, a neruis dorfalibus cum radicibus nerui intercoftalis iuncti, ea ratione, vt neruus hic dorfalis vel coftalis margine inferiori cuiusvis coftae procedens, in medio circiter corpore coftae intercoftales mufculos perforet; vno ramo vero fecundum longitudinem coftae procedens mufculis intercoftalibus exhibeat furculos, et in extremitate anteriori coftae interuallum illud cartilagineum inter duas coftas, prope marginem lateralem corporis fterni perforet.

Hinc neruos thoracicos anteriores internos illos nuncupo, qui ex interuallis cartilagineis coftarum profiliunt; nerui vero thoracici anteriores externi mihi funt illi, qui ex media circiter conuexitate, feu ex medio corpore coftarum procedunt, ex illius interftitio coftali.

§. 36.

*I n t e r n i.*

Quatuor prima interualla coftarum cartilaginea in medio fere itinere emittunt neruos anteriores *internos* mammarum. Migrant hi ita, vt illorum furculi, fuperiorem eundemque interiorem ambitum membranaceum mammae, petant. Neruorum finguli, quam primum ad mammae cutem peruenerint, in plures finduntur furculos, ad mediam conuexam fuperficiem mammae pergendo fubtiliffimis fibrillis cutanei finiuntur. Neruus vero quarto interuallo ortus anafomofi, cum ramo nerui anterioris thoracici externi quarti, iungitur infigni.



## §. 37.

*E x t e r n i.*

Prouti, hac vice et pro meo scopo, quatuor tantum superiores nervos thoracicos internos enumeraui, sic quoque sex superiores nervos thoracicos anteriores *externos* descripturus sum, tanquam nervos *mammarios*.

## §. 38.

*P r i m u s.*

Oritur *in interstitio primae et secundae costae* in medio corpore nervus thoracicus anterior externus satis conspicuae longitudinis et molis.

Plerumque ex origine, statim vbi adhuc pectorali minori tegitur, furculos ad glandulas ibi sitas spargit, deinde flectitur sub axillis datque ibi multos cutaneos ramos, glandulisque, duabus tandem anastomosibus, *una* cum nervo cutaneo interno veniente a pare septimo cervicali et primo dorsali, *altera* vero, iungitur, cum secundo thoracico anteriori externo.

## §. 39.

*S e c u n d u s.*

*Secundus* nervus thoracicus anterior externus pari, ac praecedens, ratione ex interuallo secundae et tertiae costae progerminat. Est, vti prior, nervus cutaneus, dat ramos duos aut tres cutaneos, qui prospiciunt cuti sub axillis et glandulis ibidem reperiundis; longo tunc itinere, ramo decurrit ad cutem, quae internam superioremque partem summi brachii obducit. Vno furculo reflectitur versus posteriora humeri et ibidem cutaneus terminatur. Init vero in suo decursu, anastomosis, cum primo nervo thoracico anteriori externo et cum cutaneo interno nervorum brachialium, satis conspicuam.

## §. 40.

*T e r t i u s.*

Melioris tantum ordinis gratia, primum et secundum anteriorem externum thoracicum allegaui, quia, vt facile apparet, ne minimum



dederint mammis furculum. *Tertius* nervus anterior externus thoracicus est primus nervus mammarius. Simulac interuallo tertiae et quartae costae egreditur, statim in duos insignes ramos diuiditur, in ramum scilicet *externum descendente*, et in ramum *internum* aliquatenus *adscendente* seu *nervum* stricte sic dictum *mammarium*.

#### §. 41.

#### *Eius rami. Externus. Internus.*

Ramus *externus* huius tertii nervi anterioris thoracici externi migrat descendendo. Exhibet ramulos musculares in ferratum anticum maiorem et latissimum dorsi, cutaneus finitur in interna et posteriori parte brachii et humeri. Ramus autem *internus* seu nervus mammarius primus tegitur pectorali minore, tunc quasi arcuatim inter pectoralem maiorem et minorem progreditur, ad superficiem mammae internam seu posteriorem, ibidemque in media mamma quaquaversus multos subtilissimos spargit furculos in mammae substantiam glandulosam, et sic subtilissimis fibrillis terminatur.

#### §. 42.

#### *Quartus.*

Nervus thoracicus anterior externus *quartus* provenit vt tertius, et abit in duos ramos, in ramum externum et internum seu nervum mammarium.

*Ramus externus* descendendo dat ramos cutaneos thoraci, illiusque parti laterali, mittit ramos musculares in latissimum dorsi et ferratum anticum maiorem.

*Ramus mammarius* seu *internus* ab exteriori parte ad partem internam pectoris fertur, tegitur pectorali maiore musculo, sub ambitu mammae cutaneo externo et inferiori decurrit, dat furculos cuti mammae qua inferius et exterius obducitur; supra costam quartam, et quidem illius partem anteriorem convexam, progreditur ad interstitium cartilagineum quartae et quintae costae, vbi anastomosi iungitur cum nervo thoracico anteriori interno quarto, et sic coniunctus hic nervus ad cutem mammae abit, cutaneus finitur in ambitu mammae interno et infe-



inferiori, pluribus insuper ramulis sparsis ad mediam fere superficiem cutis externae mammae.

§. 43.

*Q u i n t u s .*

Nervus *quintus* thoracicus egreditur interstitio quintae et sextae costae, duos habet ramos vnum *externum*, alterum *internum*. Ramus *externus* dat propagines in ferratum anticum maiorem, latissimum dorsi et cutem internam brachii.

Ramus *internus* est nervus mammarius et maximus et quasi princeps mammae nervorum. Statim finditur in *duos ramos* satis insignes; *primus* est *minor* et cutaneus, fertur ad cutem mammae, ambitum istius inferiorem et anteriorem, obtegentem. *Alter* ramus est *maior* et est principalis ille nervus mammae. Quamprimum hic ramus ad mammam pervenit, finditur in *duos* ramos, vnus est minor; hic dat in substantiam mammae glandulosam et cutem illius, quae tegit conuexam mediamque partem; alter autem ramus adscendit, spargitque eundo ramos vbique in cutem et substantiam glandulosam mammae, legit areola n, adscendit ad papillam ibique distribuitur in subtilissimos furculos visum ulterius fugientes.

§. 44.

*S e x t u s .*

*Sextus* nervus thoracicus anterior externus ex interstitio sextae et septimae costae emergit. Exhibet ramum externum et internum.

Ramus *externus* mittit ramum ad ferratum anticum maiorem et latissimum dorsi, ad cutem denique thoracis externam et internam brachii.

Ramus *internus* in suo decursu vbiuis largitur cuti pectoris, his furculis missis, propius ad interiorem thoracis partem accedit, in *duos* insignes ramos fissus. Horum *vnus* adscendit, cutaneus euadit, qui minutissimis equidem, ast numerosissimis, furculis, cuti mammae prospicit, quae huius limbum exteriorum et inferiorem terminat. *Secundus*

ramus *transuerse* migrat, dat cuti pectoris exteriori, et musculosus indentationibus supremis, oblique descendens musculi abdominis, finitur.

Praeter memoratos nervos, veniunt et furculi a quarto nervorum cervicalium, statim infra claviculam, spargunt ad cutem mammae ramos, in ambitu superiori cutis mammae, quo cutanei finiuntur.

#### §. 45.

#### *Vasa lymphatica. Superficies posterior Mammae.*

Ordo nunc nos ducit ad *vasa lymphatica mammae*, quarum descriptio iterum experimentis et observationibus praestantissimi WALTERI fulcitur. Ad haec vero vasa lymphatica eo melius describenda, necessarium erit, de superficie posteriori mammae, pauca quaedam praefari. Mammae *superficies posterior* musculo pectorali maiori imponitur et cum illo connectitur ope cellulosaе satis mollis et tenacis; in quibusdam subiectis haec cellulosa adipe repletur. Est vero haec facies generaliter considerata aliquo modo concava, dum convexum thoracem obregit, at in sensu specialiori sumpta haec facies, etiam inaequalis adparet, nonnullis in locis impressiones et fossae observantur, quae, ut deinceps videbimus, situm commodum et aptam originem glandulis conglobatis et lymphaticis vasis dare possunt. Nec hoc omittendum est, lacteos ductus, multo simpliciorē viam et tramitem, offerre, quam in anteriori superficie mammae. Sunt nimirum hi ductus lactiferi recta via porrecti. Quaeritur, unde oriuntur vasa lymphatica? ubi finiuntur? et quem usum habent?

#### §. 46.

#### *Origo vasorum lymphaticorum.*

Inconcussa iam stat haec veritas: omnes venas lymphaticas ortum trahere ex cellulosa omnium partium corporis humani, siue eae sint viscera, siue musculi, siue alius generis partes. Quam positionem per experimenta comprobarunt Celeberrimus ALEXANDER MONRO ALEXANDRI filius(a), et praepriis Illustris MECKEL, quem praeceptorem

(a) in Dissert. de venis lymphaticis valvulosis et de earum in primis origine. Berol. 1757. edita. anno 1760. vero, vna cum Meckeliana Dissert. Lipsiae recusa.



rem habuisse gloriator, cuiusque in rem anatomicam merita ad cineres usque venerabundus colam. Auctores in arte peritissimi varias olim opiniones de origine lymphaticorum fouerunt. MALPIGHIO a glandulis minoribus haec vasa lymphatica progerminare visa sunt. NUCCIUS vesiculas statuebat, quae generare possent vasa lymphatica. Magnus BOERHAAVIUS vasa lymphatica propagines esse arteriarum credidit. Reiectae sunt hae sententiae per experimenta Illustris MECKELII in Dissertatione epistolari tradita, quam 1757 ad Illustrem DE HALLER dedit: de venis lymphaticis glandulisque conglobatis. Ibidem ex prolatis et descriptis experimentis pag. 5. iusta formatur conclusio: „vasa lymphatica ortum suum ex cellulosa minimis furculis sumere,, etc. ita ut de hac veritate nullum nobis remaneat dubium. An vero vasa lymphatica mammarum ex cellulosa mammarum etiam oriuntur, merito quaestio moueri meretur.

§. 47.

*An resorbeant?*

Repentina resorptio et reductio lactis in sanguinem, dum infantes a matre vel nutrice ablaetantur, hanc quaestionem utique mouere possunt: vasa lymphatica valuulosa mammarum resorbere lac vel superfluum et nimis limpidum, vel denique residuum, uti fit in ablaetatione infantum.

§. 48.

*Duplex resorptio.*

Duplex tantum existit mechanismus, quo liquida reducuntur ad sanguinem. Hoc fit vel per vasa resorbentia, vel per vasa lymphatica ad resorbendum apta. Seminis resorptio fit per vasa illa, quae per iniectionem in vesiculas feminales visui se offerunt. Euenit hoc Illustri praeceptori MECKELIO. Ergo semen non resorbetur per vasa lymphatica testis, uti quibusdam visum est, vel ope illius vasis lymphatici quod interdum ex curuatura minori epididymidis exit, sed per vasa venosa in cauum feminalium vesicularum hiantia. Secundi resorbendi modi exemplum habemus in resorptione chyli per vasa chylosa, quae a vasis lymphaticis nostris mammarum nullo modo differunt. Sunt enim



enim vasa quae eadem textura et fabrica gaudent valuulosa nodosa. His rationibus itaque adductis concludo: Lac reuehitur vel per vasa venosa, vel per vasa lymphatica valuulosa. Rationes postea dicendae suadent lac reuehi per vasa lymphatica valuulosa.

§. 49.

*In mammis fit per vasa lymphatica.*

Oriuntur itaque vasa lymphatica mammarum tam ex ipsis cauis tubulorum lactiferorum, quam ex ipsa cellulosa glandulis mammarum interfusa. Possumus hac structura celerem illam resorptionem lactis explicare, dumque nonnulla vasorum lymphaticorum ex cellulosa mammae proueniunt, liquidum tenue, in cellulosa hac exhalatum, sanguini rursus miscetur.

§. 50.

*Finis vasorum lymphaticorum.*

Ad temporis vsque momentum, quo, Illustris MECKELIUS orbi litterato anno 1757 observationes suas communicabat, a quam plurimis Anatomicis et Physiologis credebatur, omnes venas lymphaticas liquidum in iis contentum vehere ad cisternam chyli, indeque in ductum thoracicum. Repetitae vero observationes Illustris MECKELII falsitatem huius asserti probauerunt. Docuerunt nos, nonnulla quidem vasa lymphatica exonerari in ductum thoracicum tanquam truncum lymphaticum maximum; nonnullas vero venas lymphaticas breuissima via liquidum suum deponere in venas sanguiferas vicinas.

§. 51.

*Historia vasorum lymphaticorum Mammae.*

Omnes hac circumstantiae simul sumtae ad facilitandam historiam vasorum lymphaticorum mammae faciunt. Ergo oriuntur vasa venosa lymphatica, tam ex ipsis ductibus excretoriis lac secretum continentibus, quam ex intima cellulosa glandularum mammariarum. Colliguntur haec vasa lymphatica in superficie mammae posteriori et inaequali in plurimos furculos maiores, qui glandulas conglobatas, tanquam glomer  
vasorum



vasorum lymphaticorum, adeunt; tunc ex his glandulis exeuntes ductuli lymphatici procedunt ad plexus lymphaticos axillares, cum quibus coniunguntur ad interstitium musculorum pectoralis minoris, serrati antici maioris, subscapularis et latissimi dorsi. Sic coniuncti hi ductuli lymphatici cum plexibus axillaribus disperguntur in glandulas conglobatas, et ex illis iterum furculi lymphatici exeunt, usque tandem omnes hi rami coniuncti axillares in duos maiores trunculos MECKELIANOS colliguntur, interdum tantum unus adest, et in sinistro latere inferuntur, si duo adsunt trunculi in venam subclauiam sinistram, oblique ab inferioribus versus superiora incedendo. In dextro vero latere adsunt vel duo vel interdum vnicus truncus axillaris, qui inferitur in angulum venae subclauiae et iugularis magnae, interdum etiam insertio fit in subclauiam circa primam costam in thoracem continuatam. Saepe vero coniunctio fit lateralis inter plexum hunc axillarem, vel axillares, et trunculum lymphaticum iugularem, qui a superioribus capitis et colli partibus omnes venas lymphaticas colligit. Illustris MECKELIUS non tantum primus hunc plexum axillarem et iugularem accuratissime descriptum dedit in Dissertatione allegata, verum etiam aeri incisam tabulam inter tot splendida opera conseruat. Et est haec tabula, qua vasa lymphatica thoracis cum ductu thoracico ipso repraesentantur, quam Illustris Vir mihi perlustrare benigne concessit, cuius originale etiam in lectionibus physiologicis Illustris praeceptoris, propriis usurpare oculis fortuna mihi contigit.

Origine diuersa tandem et fine vasorum lymphaticorum mammae considerata, liquet quanti ponderis erit illorum sententia, qui vasa haec lymphatica in ductum thoracicum tanquam in ampullam vniuersalem inferi scripserunt.

Ex hoc §o aphorismum formamus practicum: *Obstructis, tumidis et induratis glandulis subaxillaribus (qua via vasa lymphatica mammae ducuntur) mamma ordinario suo munere fungi non poterit.*



## §. 52.

*Structura glandulosa mammae.*

Restat structura ipsa glandulosa mammarum difficilis descriptu. Multi Illustres Viri contendunt mammam esse corpus glandulosum et vnicam tantum glandulam, quae multos emittat ad centrum mammae, seu, quod idem, ad papillam, ductus excretorios siue tubulos lactiferos. Alii e contra docent mammam ex multis constare glandulis, quae singulae proprium possideant ductum lactiferum, et putant mammam quasi ex multis mammillis minoribus conflatam esse.

## §. 53.

*Experimenta.*

Mammae et materia ceracea et mercurio ab Excellentissimo WALTERO perfectissime repletae et ad hanc dissertationem conficiendam ab optimo viro mihi concessae, omnem litem inter Anatomicos motam componere videntur. In singulum, Celeberrimus Vir, ductum excretorium lactiferum immisit tubulum prope apicem papillae sequenti ratione: in quemuis ductum excretorium diuersum iniecit colorem, in vnum materiam ceraceam colore rubro imbutam, in secundum colore flauo tinctam, in tertium colore brunno mixtam, in quartum materiam ceraceam coloris viridis, in quintum coloris nigri et sic porro, tunc ne vnica quidem materia cum altera se confudit nec miscuit. Exinde conficimus: mammam tot diuersis a se inuicem constare glandulis, quot numerantur in papilla ductus excretorii. Omnes vero hae glandulae tam inextricabili nexu celluloso breui et tenaci copulantur, vt inter se nullo modo, licet indefessa diligentia et variae encheireses adhibitae fuerint, seiungi possint. Illi itaque Anatomici qui mammam pro vnico corpore glanduloso habuerunt neutiquam sunt vituperandi; qui autem statuerunt, multas glandulas in mamma existere, per experimenta, sua asserta probare et facillime cum antecedentibus conciliari possunt.



## §. 54.

*Conclusiones ex iis.*

Ea ipsa experimenta superiori §o enarrata sat satisque euincunt, nullum commercium nullamque intercedere anastomofin, tam inter glandulosum corpus mammae, quam inter ductus excretorios papillae, prouti dudum praestantissimi Anatomici docuerunt, eoque ipso NUCKIUM refutarunt, qui, in sua Adenographia curiosa, circulos inter ductus excretorios lactiferos non tantum descripsit, verum etiam depingi curauit (b).

Allegata etiam explicant, cur tenelli mammam fugere possint, licet iam destructa vel obstructio vnius alteriusue glandulae ductus lactiferi adsit. Ex saluis, scilicet, resistentibus glandulis alimentum suum esuriens sibi parare potest infans.

## §. 55.

*Cui glandularum generi Mamma annumeranda?*

Sed ad quodnam genus glandularum, mammae fabrica glandulosa, referenda meretur? Omnes fere Anatomici structuram hanc glandulosam inter glandulas conglomeratas accipiendam esse existimant. Qui vero satis attente constructionem externam glandulae conglomeratae considerat, non nisi haesitans huic sententiae adfentire potest. Externam modo glandulae conglomeratae fabricam inspiciendam esse volumus, quid, quaeso? enim certi nobis innotescit de interiori structura et natura glandularum? Omnino nihil. In capite enim de secretione glandulae fere sunt pia desideria, latus sane dicendi campus, chaos et indigesta moles. Comparanti hoc modo glandulam conglomeratam cum mamma facile apparebit, mammam ad hanc glandularum classem vix esse numerandam. NUCKIUS definitionem glandulae conglomeratae nobis suppeditat. „Sunt, inquit (c), glandulae pro conglomeratis habitae illae, quae glandularum minorum congeriem componunt, communi inuolucro inuolutae, et singulae earum emittunt vasculum excretorium quae iterum

D 2

(b) Et ex eo forte H. F. TEICHMEYER in Elem. Anthropolog. Fig. II,

(c) l. c. p. 8.



iterum canalem componunt, per quem liquor fuit aut in notabilem aliquam cavitatem, aut extra corpus. „ Haec definitio ad hunc usque diem ab omnibus quantum scio anatomicis recipitur.

### §. 56.

*Non est conglomerata, sed sui generis, glandula.*

Quis vnquam naturae fidelis scrutator in mammae substantia, si antea bene fuerit repleta, potuit acinos a se inuicem separare? Quis porro vnquam singulum ductum detegere, et hoc detecto ex multis his ductibus excretoriis communem canalem profequi par fuit? Audiamus Venerabilem et Illustrem senem, Virum in re anatomica summum MORGAGNIUM. Ita se exprimit (d): „Optassem profecto ut ipse (Mangetus) atque Nuckius rationem modumque tradidissent, quo utentes pluri-  
mas istas quas ipsi proposuere minutas separatasque glandulas videre potuerunt. „ Mamma, potius, sui generis substantia glandulosa esse videtur. Materia enim ceracea apte et bene repleta, per ductus lactiferos, mamma, multis et varii ordinis ductibus constructa apparet. Maximus tubulus abit ad agmen seu glomer ductulorum in monticulum eleuatum, an sit HEISTERI (e) mamma parua sub pinguedine mammae latens, certo definire vix audeo. Alii lactiferi tubuli excurrunt a centro mammae seu apice papillae versus peripheriam, hinc et illinc ab aliis ductibus in suo decursu interrupti, mox alii supra alios et infra eosdem ambulare videntur, interim semper ita, vt maior pars vnus tubuli lactiferi ab alio vicino nequiquam confundatur. Videntur ductuli lactiferi congeries esse multorum intestinorum, vario ordine et positione coagmentatorum, vt longus ille canalis qui continet semen in teste virili.

### §. 57.

*Numerus tubulorum galactopherorum.*

Numerus interim tubulorum lactiferorum qui ex centro mammae emergunt, vbi superimposita mammae pinguedo deficit, rotundus certus et per experimenta determinatus est; semper quindenarius.

Cum

(d) Aduersar. anat. V: Animaduers. IV. p. 8. 9.

(e) Praef. ad Compend. Anat. p. XIII.



Cum his observationibus congruit Illustris HALLERUS. Legitur enim in Part. V. T. II. Commentar. ad Praelect. Boerhaav. p. 424. „*Nunquam pauciores quindenis*; pagina vero praecedente eiusdem libri 422. viginti tubulos adesse affirmat (f). Varias quoque opiniones more suo eleganter docte adfert. p. 24. Ita scilicet scribit: „*quinque, sex tubos GUTERMANNUS, octo MORGAGNUS, septem et octo KEIL, sex ad undecim HEUCHER, sex ad novem NUCK, sex ad septem GUNZIUS, decem BARTHOLINUS et RAVIUS, decem ad duodecim LIEUTAUD, septem ad decem ROEHMER*, quibus addendus MISCHER qui octo ad decem numerat (g). In mamma bene constituta, nulloque morbo affecta, seu quoquo modo obstructa, semper quindecim inveniuntur tubuli lactiferi. Liceat nobis aliquomodo rationem indicare, quare auctores, in enarratione numeri horum tubulorum, parum constantes esse videntur. In eo ratio forsitan latet: plurimi Anatomici, ob tenuitatem horum ductuum illos neque inuenire neque minus eosdem liquore apto implere potuerunt, hinc tantum vel sex aut plures adesse crediderunt; siue hoc factum sit quia non bene constitutis mammis vti sunt, siue mammis quarum ductus non satis lacte distenti fuerunt, siue etiam quia cellulosa quae tubulos hosce lactiferos necit etiam versatissimum et exercitatissimum imo interdum lynceos oculos fallere potest.

### §. 58.

#### *Notanda circa tubulos.*

Quindenarius equidem numerus rotundus et constans est.<sup>1</sup> Ita enim plerumque in cunctis fere subiectis, quorum mammas nobis videre licuit, constitutio fuit ordinaria. Monendum vero duxi, tredecim, tantum, tubulos lactiferos, mercurio vel quavis alia materia repleri posse, etsi multum etiam diligentiae et temporis impendatur. Tubulus enim decimus quartus et quintus tanta plerumque subtilitate gaudent, ut illos non nisi armato oculo adspicere valeamus; quare, ut quivis perspiciet, nulla fieri poterit horum ductuum repletio. Nec

D 3

hoc

(f) id quod in Primis lin. Physiolog. DCCCL. repetit: *per eam papillam*, inquit, *ducuntur viginti et ultra excretorii ductus lactiferi mammae.*

(g) Institut. anatom. p. 237.



hoc omittendum mihi videtur: Tubuli hi duo dicti, ad supremum et externum papillae ambitum, collocati sunt.

§. 59.

*Eorum finis.*

Tandem de ultimo fine tubulorum lacteorum est dicendum. Omnes ac singuli tubuli lactiferi, a glandulis mammae orti, ad papillam exporrecti, ambiuntur tela cellulosa, densa, tenaci, splendente, et quo propius ad discum externum papillae corrugatum veniunt, eo magis eorum lumina et coarctantur, hinc non licet singulum seta vel filo argenteo extrinsecus adire, sed exoptatam instituere volentem disquisitionem et hinc repletionem horum singulorum tubulorum, oportet, papillae apicem, paullo versus inferiora externa, cute liberare.

Si quis ita mammam contrectabit, summam suis in laboribus percipiet voluptatem.





TAB. I.




Fig. 2.



J. B. G. Hopper ad nat. delin.

C. B. Glasbach sculps. Berol.

TAB. II.



J. B. G. Hopper ad nat. delin.

C. B. Glasbach sc. Berol.



1. 11. 11.



# EXPLICATIO FIGVRARVM.

## TABVLA I.

FIGVR. I. ad Sphum 58. 59.

Adumbrata haec existit prima figura linearis, ne secunda litteris obscurior redderetur adponendis.

- |     |         |            |        |
|-----|---------|------------|--------|
| 1)  | Tubulus | Lactiferus | 1mus.  |
| 2)  | -       | -          | 2dus.  |
| 3)  | -       | -          | 3tius. |
| 4)  | -       | -          | 4tus.  |
| 5)  | -       | -          | 5tus.  |
| 6)  | -       | -          | 6tus.  |
| 7)  | -       | -          | 7mus.  |
| 8)  | -       | -          | 8vus.  |
| 9)  | -       | -          | 9nus.  |
| 10) | -       | -          | 10mus. |
| 11) | -       | -          | 11mus. |
| 12) | -       | -          | 12mus. |

Decimum tertium tubulum lactiferum §. 57. 58. pictor omittere coactus fuit, quia nimis profunde collocatus iacebat, licet in praeparato conspectui sese offerret.

A. Discus papillae. §. 9. 10. 11. 59.

### FIGUR. 2da.

Ab anteriori parte spectata facies mammae magnitudinis naturalis §. 1. ex femina circiter 36. annorum. Externa cutis detracta §. 6. stratum pinguedinosum anterieus remotum §. 13. quo tubuli lac vehentes et illorum decursus eo clariores redderentur §. 55. 56. En itaque Lector bene-



benevole mammam mercurio turgidam, omnesque imo minutissimos ductulos lac continentes, vario ordine inter se dispositos perfectissimeque repletos. §. 53.

A. A. Infula glandulosa, an mamma parva HEISTERI sub pinguedine recondita? §. 56.

## TABULA II.

Cernitur in hac figura nitidissime parata postica superficies mammae. Omnis Cellulosa remota fuit §. 45.

A. A. A. A. A. Vasa lymphatica. §. 51.

B. Maximus truncus vasorum lymphaticorum, procedens ad plexum lymphaticum axillarem. §. 51.

C. Medius & secundus trunculus lymphaticus pari ratione porrectus. §. 51.

D. Tertius truncus lymphaticus.

E. Mamma parva seu HEISTERI ab antica usque ad hanc posticam faciem penetrans.

F. F. F. F. Maiores tubuli seu ductus lactiferi transparentes.

Ceterum ad viuum, sat concinne, satisque perfecte repleti omnes canaliculi glandulosi mammae etiam in hac posteriori superficie depicti existunt.

---